

雄歌

81
67

樵歌

朱敦儒撰

龍元亮校

文学古籍刊行社

一九五八年·北京

文學古籍刊行社出版

(北京東四頭條胡同4號)

北京市書刊出版業營業許可證出字第059號

北京新華印刷廠印刷 新華書店發行

*

總號59 字數54,000 開本850×1168 1/32 印張3 5/8 插頁2

1958年1月北京第1版 1958年1月北京第1次印刷

印數0001—8000 冊

定價(7) 0.43 元

出版說明

朱敦儒字希真，洛陽人。大約生於北宋神宗元豐初年，死於南宋孝宗淳熙初年。在他的將近百年的生命史上，經過了少年承平的生活，也遭逢了國亡家破的巨變；經歷了短暫的宦海升沉，更長期地在隱逸生涯裏銷盡了天年。這一切都反映在他的詞裏：『一雙新淚眼，千里舊關山』；『萬里東風，國破山河落照紅』，唱出了時代悲涼的心聲。『曾爲梅花醉不歸，佳人挽袖乞新詞』，表現了詞人對青春歡樂的懷憶和悵戀。而『世事短如春夢，人情薄似秋雲』；『日日深杯酒滿，朝朝小圃花開』，則正是說明了詞人晚期的頹廢和放達。曠逸豪邁，構成了他的『樵歌』獨特的風格。

『樵歌』一名『太平樵唱』，一向只有鈔本流傳，到了近代王鵬運、朱祖謀等人彙刻詞集，才又刊布行世。這個新校本是用張邨叢書本做底本，並參校宋元三十一家詞本、鐵琴銅劍樓藏鈔本、鶴峯草堂鈔校本以及各重要選本，細加比勘，擇善而從。並附參考資料輯，包括傳記、評論、唱和，及序跋等項，以供讀者參考。

樵歌目錄

〔依張邨叢書本校訂〕

卷上

盼龍謠二首	一	風流子一首	三
雨中花一首	二	望海潮一首	三
水調歌頭六首	二	勝勝慢一首	三
桂枝香一首	四	菱荷香一首	四
水龍吟二首	五	沁園春一首	四
念奴嬌七首	六	卜算子慢一首	四
蘇武慢一首	九	醉春風一首	五
木蘭花慢二首	九	鵬歌一首	五
洞仙歌三首	一〇	鵲橋仙六首	五
滿庭芳二首	二	臨江仙八首	七
滿江紅一首	三	鷓鴣天十四首	九

卷中

木蘭花	二首		二九	定風波	一首		四一
驀山溪	七首		二九	鵬沙行	二首		四一
朝中措	十一首		三三	夢玉人引	一首		四二
促拍醜奴兒	一首		三五	一落索	二首		四二
醉落魄	一首		三五	漁家傲	三首		四三
醉思仙	一首		三五	望江南	一首		四四
感皇恩	三首		三七	十二時	一首		四四
杏花天	三首		三七	南鄉子	二首		四四
戀繡衾	一首		三九	行香子	一首		四五
青玉案	一首		三九	憶帝京	一首		四五
南歌子	一首		三九	桃源憶故人	六首		四六
蘇軾遮	二首		四〇	好事近	十四首		四七
浪淘沙	三首		四〇	長相思	二首		五一
千秋歲	一首		四〇	烏夜啼	一首		五一

卷下

沙塞子二首……………三

西江月八首……………五三

減字木蘭花十七首……………五九

菩薩蠻五首……………六

點絳脣五首……………六四

雙鸂鶒一首……………九

柳梢青六首……………六五

鼓笛令一首……………九

采桑子三首……………六七

西湖曲一首……………八〇

憶秦娥四首……………六八

風蝶令一首……………八〇

卜算子七首……………六九

謁金門一首……………八〇

清平樂六首……………七一

洛妃怨一首……………八〇

昭君怨一首……………七二

燕歸梁一首……………八一

浣溪沙八首……………七三

相見歡七首……………八一

阮郎歸一首……………七五

如夢令八首……………八三

生查子一首……………七五

春曉曲一首……………八五

眼兒嬌三首……………七六

柳枝一首……………八五

訴衷情四首……………七六

補遺

孤鸞一首……………九〇

絳都春一首……………九〇

後記……………九二

參考資料輯……………九三

念奴嬌一首……………九一

樵歌卷上

聒龍謠

肩拍洪崖。手攜子晉。夢裏暫辭塵宇。高步層霄。俯人閒如許。算螭戰多少功名。問蟻聚幾回今古。度銀潢展盡參旗。桂花澹月飛去。天風緊。玉樓斜。舞萬女霓袖。光搖金縷。明廷宴闋。倚青冥回顧。過瑤池重借變成。就楚岫更邀巫女。轉雲車。指點虛無。引蓬萊路。

又

憑月攜簫。遡空秉羽。夢蹋絳霄仙去。花冷街榆。悄中天風露。竝眞官蕊佩芬芳。望帝所紫雲容與。享鈞天九奏傳觴。聽龍嘯。看鸞舞。驚塵世。悔平生。歎萬感千恨。誰憐深素。羣仙念我。好人閒難住。勸阿母偏與金桃。教酒星賸斟瓊醕。醉歸時。手授丹經。指長生路。

雨中花

嶺南作

故國當年得意。射麋上苑。走馬長楸。對蔥蔥佳氣。赤縣神州。好景何曾虛過。勝友是處相留。向伊川雪夜。洛浦花朝。占斷狂遊。胡塵卷地。南走炎荒。曳裾強學應劉。空漫說螭蟠龍臥。誰取封侯。塞雁年年北去。蠻江日日西流。此生老矣。除非春夢。重到東周。

水調歌頭

淮陰作

當年五陵下。結客占春遊。紅纓翠帶談笑。跋馬水西頭。落日經過桃葉。不管插花歸去。小袖挽人留。換酒春壺碧。脫帽醉青樓。楚雲驚。隴水散。兩漂流。如今憔悴。天涯何處可銷憂。長掛飛鴻舊月。不知今夕煙水。都照幾人愁。有淚看芳草。無路認西州。

又

白日去如箭。達者惜分陰。問君何苦。長抱冰炭利名心。冀望封侯一品。僥倖昇仙三

島。不死解燒金。聽取百年曲。三歎有遺音。會良朋。逢美景。酒頻斟。昔人已矣。松下泉底不如今。幸遇重陽佳節。高處紅萸黃菊。好把醉鄉尋。澹澹飛鴻沒。千古共銷魂。

又

和董彌大中秋

偏賞中秋月。從古到如今。金風玉露相閒。別做一般清。是處簾櫳爭卷。誰家絃管。不動。樂世足歡情。莫指關山路。空使翠蛾顰。水精盤。鱸魚膾。點新橙。鵝黃酒軟。纖手傳杯任頻斟。須待曉參橫後。直到來年今夕。十二數虧盈。未必來年看得似此回明。

又

和海鹽尉范行之

平生看明月。西北有高樓。如今羈旅。常歎茅屋暗悲秋。聞說吳淞江上。有箇垂虹亭好。結友漾輕舟。記得蓬萊路。端是舊曾遊。趁黃鵠。湖影亂。海光浮。絕塵勝處。合是不數白蘋洲。何物陶朱張翰。勸汝橙齋鱸膾。交錯獻還酬。寄語梅仙道。來歲肯

同不。

又

對月有感

天宇著垂象。日月共回旋。因何明月。偏被指點古來傳。浪語修成七寶。漫說霓裳九奏。阿姊最嬋娟。憤激書青奏。伏願聽臣言。詔六丁。驅狡兔。屏癡蟾。移根老桂。種在歷歷白榆邊。深鎖廣寒宮殿。不許姮娥歌舞。按次守星躔。永使無虧缺。長對日團圓。

又

中秋一輪月。只和舊青冥。都緣人意。須道今夕別般明。是處登臨開宴。爭看吳歌楚舞。沈醉倒金尊。各自心中事。悲樂幾般情。燭摧花。鶴警露。忽三更。舞茵未卷。玉繩低轉便西傾。認取眼前流景。試看月歸何處。因甚有虧盈。我自闌門睡。高枕笑浮生。

桂枝香

南都病起

春寒未定。是欲近清明。雨斜風橫。深閉朱門。盡日柳搖金井。年光自趁飛花緊。奈幽人雪添雙鬢。謝山搗妓。黃壚貰酒。舊愁傭整。念壯節漂零未穩。負九江風笛。五湖煙艇。起舞悲歌。淚眼自看清影。新鶯又向愁時聽。把人閒如夢深省。舊溪鶴在。尋雲弄水。是事休問。

水龍吟

感事〔六〕

放船千里淩波去。略爲吳山留顧。雲屯水府。濤隨神女。九江東注。北客翩然〔七〕。壯心偏感。年華將暮。念伊嵩舊隱。巢由故友。南柯夢。遽如許。回首妖氛未掃。問人閒英雄何處。奇謀報國。可憐無用。塵昏白羽。鐵鎖橫江。錦帆衝浪。孫郎良苦。但愁敲桂櫓。悲吟梁父。淚流如雨。

又

曉來極目同雲暖。空降雪花零亂。平生塵想。老來俗狀。都齊驚散。玉鳳淩霄。素虬橫海。一杯相勸。任霓裳學舞。梅妝作面。終不似。天裁翦。正是年華美滿。闌迎

春巧飛釵燕。衝寒醉眼。倚空長掛。羣仙笑粲。說道瑤池。有人來報。西眞開宴。便爭回蕊佩。高馳羽駕。卷束風轉。

念奴嬌

梅詞

見梅驚笑。問經年何處。收香藏白。似語如愁。卻問我何苦紅塵久客。觀裏栽桃。仙家種杏。到處成疏隔。千林無伴。澹然獨傲霜雪。且與管領春回。孤標爭肯接。雄蜂雌蝶。豈是無情。知受了多少淒涼風月。寄隴程遙。和羹心在。忍使芳塵歇。東風。寂寞。可憐。誰爲攀折。

又

月

插天翠柳。被何人推上。一輪明月。照我藤牀涼似水。飛入瑤臺瓊闕。霧冷笙簫。風輕環佩。玉鎖無人掣。閒雲收盡。海光天影相接。誰信有藥長生。素娥新鍊就。飛霜凝雪。打碎珊瑚。爭似看仙桂扶疏橫絕。洗盡凡心。滿身清露。冷浸蕭蕭髮。明朝塵世。記取休向人說。

又

晚涼可愛。是黃昏人靜。風生蘋葉。誰做秋聲穿細柳。初聽寒蟬淒切。旋采芙蓉。重熏沈水。暗裏香交徹。拂開冰簟。小牀獨臥明月。老來應免多情。還因風景好。愁腸重結。可惜良宵。人不見。角枕蘭衾虛設。宛轉無眠。起來閒步。露草時明滅。銀河西去。畫樓殘角鳴咽。

又

老來可喜。是歷徧人閒。諳知物外。看透虛空。將恨海愁山。一時按碎。免被花迷。不爲酒困。到處惺惺地。飽來覓睡。睡起逢場作戲。休說古往今來。乃翁心裏。沒計許。言多般事。也不斷。言仙。不佞佛。不學棲棲孔子。懶共賢爭。從教他笑。如此只如此。雜劇打了。戲衫脫與獸底。

又

約友中秋遊長橋。醜倅邦式不預。作念奴嬌。和其韻。

素秋天氣，是登山臨水。昔人悲處。我遇清時無箇事，好約鶯遷鴻翥。旋整蘭舟，多攜芳醞，笑裏輕帆舉。松江纜月，望雲飛權延佇。別乘文雅風流，新詞光萬丈，珠連錦聚。恨不同遊，指浩渺玉宇瓊樓相付。桂子收香，蟾輝采露，暫輟尊前舞。絲囊封寄，倩他雙翠銜去。

又

楊子安侍郎壽

臘回春近，正日添宮綫。香傳梅驛。玉律冰壺此際顯，天與奇才英識。貫日孤忠，淩雲獨志，曾展回天力。功名由命，等閒卻鍛鸞翮。誰信夫子如今，眠雲情意穩，風塵機息。邂逅初心，得計處，伊水鷗閒波碧。但恐天教經綸緣在，未遂紫煙客。君王圖舊，看公歸觀京國。

又

垂虹亭

放船縱櫂，趁吳江風露，平分秋色。帆卷垂虹波面冷，初落蕭蕭楓葉。萬頃琉璃，一輪金鑑，與我成三客。碧空寥廓，瑞星銀漢爭白。深夜悄悄魚龍，靈旗收暮靄，天

光相接。瑩澈乾坤。全放出、疊玉層冰宮闕。洗盡凡心，相忘塵世。夢想都銷歇。胸中雲海，浩然猶浸明月。

蘇武慢

枕海山橫。陵江潮去。雉堞秋風殘照。閒尋桂子，試聽菱歌，湖上晚來涼好。幾處蘭舟，采蓮遊女歸去，隔花相惱。柰長安不見，劉郎已老，暗傷懷抱。誰信得舊日風流，如今憔悴，換卻五陵年少。逢花倒趁，遇酒堅辭，常是懶歌慵笑。除奉天威，掃平狂虜，整頓乾坤都了。共赤松攜手，重期□□明月，再遊蓬島。

木蘭花慢

折芙蓉弄水。動玉佩，起秋風。正柳外閒雲，溪頭澹月，映帶疏鐘。人閒厭，謫墮久，恨霓旌未返碧樓空。且與時人度日，自憐懷抱誰同。當時種玉五雲東。露冷夜耕龍。念瑞草成畦，瓊蔬未采，塵染□□衰容。誰知素心未已，望清都絳闕有無中。寂寞歸來，隱几，夢聽帝樂沖融□□。